



EUROPEAN COURT OF HUMAN RIGHTS  
COUR EUROPÉENNE DES DROITS DE L'HOMME

ՉՈՐՐՈՐԴ ԲԱԺԱՆՄՈՒՆՔ

**ՎԱՍՍԻԼՅԱՆԸ ԵՎ ԱՅԼՔ ԸՆԴԴԵՄ ՀԱՅԱՍՏԱՆԻ**

*(զանգատ թիվ 20193/15 եւ 2 այլ զանգատներ. տե՛ս կից ցանկը)*

ՎՃԻՌ

ՍՏՐԱՍԲՈՒՐԳ

23 հունիսի 2022թ.

*Սույն վճիռը վերջնական է, սակայն կարող է ենթարկվել խմբագրական  
փոփոխությունների:*

**Վասսիլյանը եւ այլք ընդդեմ Հայաստանի գործով,**

Մարդու իրավունքների եվրոպական դատարանը (Չորրորդ բաժանմունք),  
հանդես գալով Կոմիտեի հետեւյալ կազմով՝

Յոլիեն Շուկինգ [Jolien Schukking]՝ *Նախագահ,*

Արմեն Հարությունյան [Armen Harutyunyan],

Անա Մարիա Գեռա Մարտինս [Ana Maria Guerra Martins]՝ *դատավորներ,*

եւ Վիկտորիա Մարադուդինա [Viktoriya Maradudina]՝ *Բաժանմունքի  
քարտուղարի տեղակալի պաշտոնակատար,*

2022 թվականի հունիսի 2-ին անցկացնելով դռնփակ խորհրդակցություն,

կայացրեց հետեւյալ վճիռը, որն ընդունվեց նույն օրը.

**ԸՆԹԱՅԱԿԱՐԳԸ**

1. Սույն գործը հարուցվել է «Մարդու իրավունքների եւ հիմնարար  
ազատությունների պաշտպանության մասին» կոնվենցիայի (Կոնվենցիա) 34-րդ  
հոդվածի համաձայն ընդդեմ Հայաստանի՝ կից աղյուսակում նշված տարբեր  
ամսաթվերի Դատարան ներկայացված գանգատների հիման վրա:

2. Հայաստանի Հանրապետության կառավարությունը (Կառավարություն)  
ծանուցվել է գանգատների մասին:

**ՓԱՍՏԵՐԸ**

3. Դիմումատուների ցանկը եւ գանգատների համապատասխան  
մանրամասները ներկայացված են կից աղյուսակում:

4. Դիմումատուները բողոք են ներկայացրել քաղաքացիական գործով  
վարույթների չափազանց երկար տևողության առնչությամբ: Թիվ 20193/15 եւ

36396/17 գանգատներում դիմումատուները բողոքներ են ներկայացրել նաև Կոնվենցիայի 13-րդ հոդվածի համաձայն:

## ԻՐԱՎՈՒՆՔԸ

### I. ԳԱՆԳԱՏՆԵՐԻ ՄԻԱՑՈՒՄԸ

5. Հաշվի առնելով գանգատների առարկայի համանմանությունը՝ Դատարանը նպատակահարմար է գտնում դրանք քննել համատեղ՝ մեկ վճռում:

### II. ԿՈՆՎԵՆՑԻԱՅԻ 6-ՐԴ ՀՈԴՎԱԾԻ 1-ԻՆ ԿԵՏԻ ԵՆԹԱԴՐՅԱԼ ԽԱԽՏՈՒՄԸ

6. Դիմումատուները բողոք են ներկայացրել հիմնականում այն մասին, որ տվյալ քաղաքացիական գործով վարույթների տեւողությունն անհամատեղելի է եղել «ողջամիտ ժամկետի» պահանջի հետ: Նրանք հիմնվել են Կոնվենցիայի 6-րդ հոդվածի 1-ին կետի վրա, որն ունի հետևյալ բովանդակությունը.

#### Հոդված 6, կետ 1

«Յուրաքանչյուր ոք, երբ որոշվում են իր քաղաքացիական իրավունքներն ու պարտականությունները ... ունի ... տրիբունալի կողմից ... ողջամիտ ժամկետում ... լսումների իրավունք ...»:

7. Կառավարությունը նշել է, որ դիմումատուները չեն սպառել իրավական պաշտպանության հասանելի ներպետական միջոցները՝ պնդելով, որ նրանք կարող էին դիմել ներպետական դատարաններ՝ խնդրելով ճանաչել արդար դատաքննության իրենց իրավունքի խախտումը, եւ փոխհատուցում ստանալ 2016 թվականի հունվարի 1-ից գործող՝ Քաղաքացիական օրենսգրքի՝ ոչ նյութական վնասի մասով պետությունից փոխհատուցում պահանջելու իրավունքին վերաբերող դրույթների հիման վրա (տե՛ս *Շիրխանյանն ընդդեմ*

Հայաստանի, թիվ 54547/16, §§ 103-106, 2022 թվականի փետրվարի 22): Թիվ 20193/15 գանգատի առնչությամբ նրանք նշել են նաև, որ դիմումատուն իր բողոքը ներկայացրել է Կոնվենցիայի 35-րդ հոդվածի 1-ին կետով սահմանված վեցամսյա ժամկետը լրանալուց հետո:

8. Դիմումատուները վիճարկել են Կառավարության փաստաթղթերը:

9. Ինչ վերաբերում է Կառավարության՝ իրավական պաշտպանության ներպետական միջոցները չսպառելու մասին առարկությանը, ապա Դատարանը նախկինում գտել է, որ Հայաստանի ներպետական համակարգը չի տրամադրել քաղաքացիական գործով վարույթների չափազանց երկար տևողության մասով իրավական պաշտպանության արդյունավետ միջոց (տե՛ս «Ֆիլ» ՍՊԸ-ն ընդդեմ Հայաստանի [*Fil LLC v. Armenia*], թիվ 18526/13, §§ 49-50, 2019 թվականի հունվարի 31): Սույն գործերում Դատարանը չի տեսնում այդ եզրակացությունից շեղվելու որևէ պատճառ, քանի որ, իր կարծիքով, Կառավարությունը չի կարողացել հիմնավորել իրենց կողմից վկայակոչված իրավական պաշտպանության միջոցի արդյունավետությունը (տե՛ս *Սք Ֆարլեյնն ընդդեմ Իռլանդիայի* [ՄՊ] [*McFarlane v. Ireland* [GC]], թիվ 31333/06, §§ 107 եւ 120, 2010 թվականի սեպտեմբերի 10, եւ *Փանժուն ընդդեմ Բելգիայի* [*Panju v. Belgium*], թիվ 18393/09, §§ 62-63, 2014 թվականի հոկտեմբերի 28):

10. Ինչ վերաբերում է թիվ 20193/15 գանգատի մասով նրանց երկրորդ առարկությանը, ապա Դատարանը նշում է, որ դիմումատուի բողոքը վերաբերում էր շարունակվող իրավիճակին, եւ այն ներկայացվել է այն ժամանակ, երբ ներպետական վարույթները դեռևս շարունակվում էին (տե՛ս *Սաբրի Գյունեշն ընդդեմ Թուրքիայի* [ՄՊ] [*Sabri Güneş v. Turkey* [GC]], թիվ 27396/06, § 54, 2012 թվականի հունիսի 29): Այսպիսով, նրա բողոքը չի կարող մերժվել՝ համարվելով, որ այն ներկայացվել է վեցամսյա ժամկետը լրանալուց հետո:

11. Ուստի Դատարանը մերժում է Կառավարության առարկությունները: Դատարանն այնուհետև նշում է, որ սույն բողոքները Կոնվենցիայի 35-րդ հոդվածի 3-րդ կետի «ա» ենթակետի իմաստով ո՛չ ակնհայտորեն անհիմն են, ո՛չ էլ

անընդունելի որեւէ այլ հիմքով: Հետեւաբար դրանք պետք է հայտարարվեն ընդունելի:

12. Դատարանը կրկին նշում է, որ վարույթների տեւողության ողջամտությունը պետք է գնահատվի՝ գործի հանգամանքներից ելնելով եւ հաշվի առնելով հետեւյալ չափորոշիչները. գործի բարդությունը, դիմումատուների եւ համապատասխան մարմինների վարքագիծը եւ այն, ինչը դիմումատուների համար վտանգված է վեճում (տե՛ս *Ֆրիդլենդերն ընդդէմ Ֆրանսիայի* [ՄՊ] [*Frydlender v. France* [GC]], թիվ 30979/96, § 43, ՄԻԵԴ 2000-VII):

13. «Ֆիլ» ՄՊԸ-ի (վերելում հիշատակված) նախադեպային գործում Դատարանն արդէն խախտում է հայտնաբերել սույն գործում առկա նմանատիպ հարցերի առնչությամբ:

14. Դատարանը, ուսումնասիրելով իրեն ներկայացված բոլոր նյութերը, չի հայտնաբերել որեւէ փաստ կամ փաստարկ, որը կարող է հիմնավորել ազգային մակարդակում վարույթների ընդհանուր տեւողությունը: Հաշվի առնելով թեմայի վերաբերյալ իր նախադեպային իրավունքը՝ Դատարանը համարում է, որ տվյալ գործով վարույթների տեւողությունը չափազանց երկար է եղել եւ չի բավարարել «ողջամիտ ժամկետի» պահանջը:

15. Հետեւաբար սույն բողոքներով հայտնաբերվում է Կոնվենցիայի 6-րդ հոդվածի 1-ին կետի խախտում:

### III. ՁԵՎԱՎՈՐՎԱԾ ՆԱԽԱԴԵՊԱՅԻՆ ԻՐԱՎՈՒՆՔԻ ՀԱՄԱՁԱՅՆ ՆԵՐԿԱՅԱՑՎԱԾ ՄՅՈՒՍ ԵՆԹԱԴՐՅԱԼ ԽԱԽՏՈՒՄՆԵՐԸ

16. Թիվ 20193/15 եւ 36396/17 գանգատներում դիմումատուները ներկայացրել են այլ բողոքներ, որոնցով հարցեր են բարձրացվել՝ համաձայն Կոնվենցիայի 13-րդ հոդվածի՝ հաշվի առնելով Դատարանի ձեւավորված նախադեպային իրավունքը (տե՛ս կից աղյուսակը): Սույն բողոքները Կոնվենցիայի 35-րդ հոդվածի 3-րդ կետի «ա» ենթակետի իմաստով ո՛չ ակնհայտորեն անհիմն են, ո՛չ

էլ անընդունելի որեւէ այլ հիմքով: Ըստ այդմ, դրանք պետք է հայտարարվեն ընդունելի: Դատարանը, ուսումնասիրելով իր մոտ առկա բոլոր նյութերը, եզրակացնում է, որ դրանցով նաեւ բացահայտվում է Կոնվենցիայի խախտում՝ հաշվի առնելով «Ֆիլ» ՄՊԸ-ի գործով իր եզրակացությունները (վերելում հիշատակված, §§ 49-50):

#### IV. ԿՈՆՎԵՆՅՈՒՄԻ 41-ՐԴ ՀՈԴՎԱԾԻ ԿԻՐԱՌՈՒՄԸ

##### 17. Կոնվենցիայի 41-րդ հոդվածի համաձայն՝

«Եթե Դատարանը գտնում է, որ տեղի է ունեցել Կոնվենցիայի կամ դրան կից արձանագրությունների խախտում, իսկ համապատասխան Բարձր պայմանավորվող կողմի ներպետական իրավունքն ընձեռում է միայն մասնակի հատուցման հնարավորություն, ապա Դատարանը որոշում է, անհրաժեշտության դեպքում, տուժած կողմին արդարացի փոխհատուցում տրամադրել»:

18. Դատարանը, հաշվի առնելով իր տրամադրության տակ եղած փաստաթղթերը եւ իր նախադեպային իրավունքը (տե՛ս վերելում հիշատակված՝ «Ֆիլ» ՄՊԸ-ի գործը, §§ 62 եւ 65), Դատարանը ողջամիտ է համարում շնորհել կից աղյուսակում նշված գումարները:

19. Դատարանն այնուհետեւ գտնում է, որ չկատարման դեպքում հաշվարկվող տոկոսադրույքը պետք է հիմնված լինի Եվրոպական կենտրոնական բանկի սահմանած՝ լոմբարդային ռեպոյի տոկոսադրույքի վրա, որին պետք է գումարվի երեք տոկոսային կետ:

ԱՅՍ ՀԻՄՆԱՎՈՐՄԱՄԲ ԴԱՏԱԴԱՆԸ ՄԻԱԶԱՅՆ՝

1. *Որոշում է միացնել գանգատները.*
2. *Հայտարարում է գանգատներն ընդունելի.*
3. *Վճռում է, որ սույն գանգատներով բացահայտվում է Կոնվենցիայի 6-րդ հոդվածի 1-ին կետի խախտում՝ քաղաքացիական գործով վարույթների չափազանց երկար տևողության առնչությամբ.*
4. *Վճռում է, որ Դատարանի ձեւավորված նախադեպային իրավունքի համաձայն ներկայացված մյուս բողոքների մասով տեղի է ունեցել Կոնվենցիայի խախտում (տե՛ս կից աղյուսակը).*

5. *Վճռում է, որ՝*

ա) պատասխանող պետությունը երեք ամսվա ընթացքում պետք է դիմումատուներին վճարի կից ներկայացված աղյուսակում նշված գումարները, որոնք պետք է փոխարկվեն պատասխանող պետության արժույթով՝ վճարման օրվա դրությամբ գործող փոխարժեքով,

բ) վերոնշյալ եռամսյա ժամկետի ավարտից հետո՝ մինչև վճարման օրը, պետք է հաշվարկվի վերոնշյալ գումարների նկատմամբ պարզ տոկոսադրույթ՝ չկատարման ժամանակահատվածում Եվրոպական կենտրոնական բանկի կողմից սահմանված՝ լոմբարդային ռեպոյի տոկոսադրույթի չափով՝ գումարած երեք տոկոսային կետ:

Կատարված է անգլերենով եւ գրավոր ծանուցվել է 2022 թվականի հունիսի 23-ին՝ համաձայն Դատարանի կանոնակարգի 77-րդ կանոնի 2-րդ եւ 3-րդ կետերի:

Վիկտորիա Մարադուդինա՝

Յոլիեն Շուկինգ՝

Քարտուղարի տեղակալի  
պաշտոնակատար

Նախագահ

ՎԱՍՍԻԼՅԱՆԸ ԵՎ ԱՅԼՔ ԸՆԴԴԵՄ ՀԱՅԱՍՏԱՆԻ ԳՈՐԾՈՎ ՎՃԻՌ

ՀԱՎԵԼՎԱԾ

Կոնվենցիայի 6-րդ հոդվածի 1-ին կետի համաձայն ներկայացված բողոքներ պարունակող գանգատների ցանկը

(քաղաքացիական գործով վարույթների չափազանց երկար տևողություն)

Թիվ	Գանգատ թիվ Ներկայացման ամսաթիվը	Ղիմումատուի անունը Ծննդյան ամսաթիվը	Ներկայացուցչի անունն ու գտնվելու վայրը	Վարույթն սկսելու ամսաթիվը	Վարույթն ավարտելու ամսաթիվը	Ընդհանուր տևողությունը  Ատյանների մակարդակը	Ձեռավորված նախադեպային իրավունքի համաձայն ներկայացված այլ բողոքներ	Ցուրաքանչյուր ղիմումատուի ոչ նյութական վնասի համար շնորհվող գումարը  (Եվրոյով) <sup>1</sup>	Ցուրաքանչյուր գանգատի մասով ծախսերի եւ ծախքերի համար շնորհվող գումարը  (Եվրոյով) <sup>2</sup>
1.	20193/15  2015 թվականի ապրիլի 14	<b>Զաբել-Ա ՎԱՍՍԻԼՅԱՆ</b>  1956թ.	Մոնիկա Հակոբյան  Երեւան	2012 թվականի հուլիսի 4	2019 թվականի մարտի 21	6 տարի 8 ամիս եւ 18 օր  1 ատյանի մակարդակ	Հոդված 13. Քաղաքացիական գործով վարույթների չափազանց երկար տևողության համար իրավական պաշտպանության որեւէ արդյունավետ միջոցի բացակայություն ներպետական իրավունքում	2,400	250
2.	36396/17  2017 թվականի մայիսի 13	<b>Արեքնազ ՄԱՆՈՒԿՅԱՆ</b>  1945թ.	Անահիտ Բեգլարյան  Երեւան	2011 թվականի նոյեմբերի 9	2019 թվականի դեկտեմբերի 18	8 տարի 1 ամիս եւ 10 օր  3 ատյանների մակարդակ	Հոդված 13. Քաղաքացիական գործով վարույթների չափազանց երկար տևողության համար իրավական պաշտպանության որեւէ արդյունավետ միջոցի բացակայություն	1,200	250

<sup>1</sup> Գումարած ղիմումատուներից գանձման ենթակա ցանկացած հարկ:

<sup>2</sup> Գումարած ղիմումատուներից գանձման ենթակա ցանկացած հարկ:



ՎԱՍՍԻԼՅԱՆԸ ԵՎ ԱՅԼՔ ԸՆԴԴԵՄ ՀԱՅԱՍՏԱՆԻ ԳՈՐԾՈՎ ՎՃԻՌ

Թիվ	Գանգատ թիվ Ներկայացման ամսաթիվը	Դիմումատուի անունը Ծննդյան ամսաթիվը	Ներկայացուցչի անունն ու գտնվելու վայրը	Վարույթն սկսելու ամսաթիվը	Վարույթն ավարտելու ամսաթիվը	Ընդհանուր տեւողությունը  Ատյանների մակարդակը	Ձեւավորված նախադեպային իրավունքի համաձայն ներկայացված այլ բողոքներ	Յուրաքանչյուր դիմումատուի ոչ նյութական վնասի համար շնորհվող գումարը  (եվրոյով) <sup>1</sup>	Յուրաքանչյուր գանգատի մասով ծախսերի եւ ծախքերի համար շնորհվող գումարը  (եվրոյով) <sup>2</sup>
							ներպետական իրավունքում		
3.	54641/17  2017 թվականի հուլիսի 8	Արմինե ՄԱՆՈՅԱՆ  1970թ.	Հայկ Ալումյան  Երևան	2008 թվականի հուլիսի 8	Քննվող	Ավելի քան 13 տարի 9 ամիս եւ 21 օր  3 ատյանների մակարդակ		4,800	250